



SAKSPAPIR

Saksnr	Utval	Type	Dato
67/2021	Kommunestyret	PS	15.06.2021

Sakshandsamar	Arkiv	ArkivsakID
Lin Tove Thomassen	FE-033	21/443

INTERPELLASJON TIL KOMMUNESTYRET - STØTTE TIL FN SITT ATOMVÅPENFORBOD

Kommunestyret - Sak 67/2021

KOM - Behandling:

Interpellanten fekk ordet først for å fremja interpellasjonen.

Ordførar gav slikt svar:

Atomvåpen bør nedrustast og avviklast etter ordførar si meining. Verknaden av atomvåpen går ut over store tal sivile liv og fører til øydeleggingar i fleire tiår framover i dei berørte områda.

Hadde dette vore eit reint ordføraropprop ville ordførar signert, men denne appellen er heile kommunestyret invitert til å stille seg bak, så dersom kommunestyret ynskjer det, vil ordførar signere.

Det vart så opna for generell debatt.

Røysting:

Det vart røysta punkt for punkt:

Punkt 1 vart vedteke mot 5 røyster (FRP, H (Trond Olav Magnussen, Erlend Hesjedal-Johannessen, Amalie Johnsen Lunde))

Punkt 2 vart vedteke mot 5 røyster (FRP, H (Trond Olav Magnussen, Erlend Hesjedal-Johannessen, Amalie Johnsen Lunde))

KOM - Tilråding/Vedtak:

1. Kommunestyret ber Ordførar signere ICANs «Cities appeal»
2. Kommunestyret i Vaksdal er djupt uroa for det store trugsmålet atomvåpen er. Kommunestyret meiner at våre innbyggjarar og menneske i heile verda har rett til å leve utan slikt trugsmål. All bruk av atomvåpen, uavhengig av ulukke eller intensjon vil ha katastrofale , omfattande og langvarige konsekvensar for menneske og miljø. Difor støttar vi FN sin traktat om forbod mot atomvåpen og ber regjeringa signere traktaten.

Saksopplysningar:

Frå Kjartan Haugsnes, SV ligg det føre slik interpellasjon:

Interpellasjon til kommunestyret i Vaksdal 15.06.2021

ICANS – Cities appeal – Forbud mot atomvåpen.

ICAN (International Campaign to Abolish Nuclear weapons) inviterer norske byar og kommunar til å markere sin støtte til FNs atomvåpenforbud som vedteke i juli 2017. Den norske Nobelkomiteen har anerkjent forbudet mot atomvåpen som viktig og kanskje det avgjerande steget mot ein verden fri for atomvåpen. Noreg har på si side stått utanfor FN – fleirtalet, difor oppmoder ICAN norske byar og kommunar om å ta del i «Cities Appeal»

Appellen er utforma slik på heimesida til ICAN:

«Kommunen vår er dypt bekymret for den alvorlige trusselen som atomvåpen utgjør mot lokalsamfunn verden over. Vi mener at innbyggerne våre har rett til å leve i en verden fri for atomvåpen. Enhver bruk av atomvåpen, enten bevisst eller på grunn av feil eller uhell, vil ha katastrofale, omfattende og langvarige konsekvenser for mennesker, samfunn og miljø. Derfor støtter vi FN-traktaten som forbyr atomvåpen, og oppfordrer den norske regjeringen til å bli del av avtalen.»

Til no har 52 kommunar og byar slutta seg til appellen, mellom anna Bergen og Voss i vårt fylke.

Sjå og her: https://www.icannorway.no/ican_cities_appeal

Spørsmål til ordførar.

Vil ordførar i Vaksdal signere appellen frå ICAN – Noreg?

Forslag til vedtak:

1. Kommunestyret ber Ordførar signere ICANs «Cities appeal»
2. Kommunestyret i Vaksdal er djupt uroa for det store trugsmålet atomvåpen er. Kommunestyret meiner at våre innbyggjarar og menneske i heile verda har rett til å leve utan slikt trugsmål. All bruk av atomvåpen, uavhengig av ulukke eller intensjon vil ha katastrofale , omfattande og langvarige konsekvensar for menneske og miljø. Difor støttar vi FN sin traktat om forbod mot atomvåpen og ber regjeringa signere traktaten.

